

陸氏草木鳥獸虫魚疏疏

陸氏草木鳥獸蟲魚疏疏卷上

江都焦循著

陸氏名璣字元恪吳烏程令隋書經籍志經典釋文陸氏毛詩指說所舉悉同或曰唐時人

毛晉陸疏廣夏跋

今考齊民要術引之則

非唐人可知歷來傳其書二卷唐朱藝文志及玉海文獻通考諸書皆著錄則其書似未亡者乃今此書一刻於陶宗儀說郛一刻於陳繼儒之眉公秘笈一刻於毛晉汲古閣津逮秘書察而核之謬舛相承次序凌雜明係後人摭拾之本非璣之原書也又隋志以下稱此書皆曰毛詩草木鳥獸蟲魚疏詩正義則稱陸璣疏釋文或稱草木疏齊民要術藝文類聚太平御覽或

稱毛詩義疏徐堅初學記陸佃埤雅或稱草蟲經互攷之實爲
一書秀水朱檢討分別之於經義考中未免拘其名不能察其
義余以元恪之書旣殘闕不完而後世爲是學者復不能精析因
撰草木鳥獸蟲魚釋旣成又據毛晉所刻之本參以諸書凡兩
月而後定附之卷後有未備閱者正焉乾隆甲寅仲冬月江都
焦循記

參差荇菜傳荇接余也

接余白莖葉紫赤色正圓徑寸餘浮在水上根在水底與水深
淺等大如釵股上青下白鬚其白莖以苦酒浸之脆美可以案

酒其華蒨黃色

齊民要術九 詩正義卷一之一 證類本草

黃詩集解一

詩緝一

循案陸氏名其書曰義疏所以疏毛

義也故毛訓苳爲接余此則自接余爲疏汲古閣刻本加苳一

名按余五字於首失陸氏本義

今刪去之載毛氏傳於經文下

采采卷耳傳卷耳苳耳也

苳耳葉青白色似胡葵白華細葉莖蔓生可煮爲茹滑而少味

四月中生子正如婦人耳中璫今或謂之耳璫草鄭康成謂是

白胡葵幽州人呼爲爵耳

詩正義卷一之二 釋文 太平御覽九百九十八 爾雅疏八 證類

本草八 離騷草木疏四

東萊讀詩記二

詩緝一 循案

諸書所引無鄭康成謂是白胡葵八字惟見證類本草圖經內

所引 又案汲古閣刻本首加云卷耳一名臬

耳一名胡臬一名苳耳諸書所引皆無今刪之

葛藟之

藟一名巨苽似燕薹亦延蔓生葉如艾白色其子赤可食酢而

不美幽州人謂之推藟

齊民要術十 詩正義一之二 釋文 太平御覽九百九十五 證類本草

七

循案延蔓要術御覽皆作連

蔓巨苽要術作巨荒與詩正義異

采采芣苢傳芣苢馬舄馬舄車前也宜懷妊焉

馬舄一名車前一名當道喜在牛跡中生故曰車前當道也今

藥中車前子是也幽州人謂之牛舌草可藥作茹大滑其子治

婦人難產

詩正義一之三 證類本草六 爾雅疏八 李黃 集解二 釋文引曰幽州人謂之牛舌又名當道其

子治婦人生難

汲古閣

本首加芣苢一名馬舄

言刈其蕞

蕞蕞蒿也其葉似艾白色長數寸高丈餘好生水邊及澤中正

月根牙生旁莖正白生食之香而脆美其葉又可蒸爲茹

詩正義一

之三

御覽九百九十七

爾雅疏八

離騷草木疏二

詩

緝一

御覽引曰蕞葉似艾色白長數寸高尺餘好生水中脆

美可

食

于以采蘋傳蘋蒿也

凡艾色白爲蒿蒿今白蒿春始生及秋香美可生食又可蒸食

一名游胡北海人謂之旁勃故大戴禮夏小正傳云繫游胡游

胡旁勃也此草古人以爲菹

左傳正義三 太平御覽九百九十七 爾雅疏八 證類本草六

離騷草木疏二 詩緝二引云存
始生可馨香美又可蒸及秋名曰蒿

言采其蕨傳蕨也

蕨山菜也初生似蒜莖紫黑色二月中高八九寸老有葉淪爲
茹滑美如葵今隴西天水人及此時而乾收秋冬嘗之又云以
進御三月中其端散爲三枝枝有數葉葉似青蒿長粗堅長不

可食周秦曰蕨齊魯曰鼈亦謂蕨又澆之

齊民要術九 釋文
爾雅疏入 爾雅

翼四 詩緝二 汲古開刻本無此詳
首有蕨鼈也三字蓋誤援毛傳屬入

言采其蕨傳蕨菜也

薇山菜也莖葉皆似小豆蔓生其味亦如小豆蕨可作羹亦可

生食今官園種之以供宗廟祭祀

詩正義卷一之四 爾雅翼六 詩緝二 埤雅十八引

草木疏云漢時官園種微以供宗廟祭祀

予以采蘋傳蘋大萍也

蘋今水上浮萍是也其粗大者謂之蘋小者曰萍季春始生可

糝蒸以爲茹又可用苦酒淹以就酒

左傳正義三 後漢書華佗傳注 太平御覽一千

爾雅疏八 李黃詩集解三 證類本草九 離騷草木疏二 爾雅翼六

予以采藻傳藻聚藻也

藻水草也生水底有二種其一種葉似雞蘇莖大如箸長四五

尺其一種莖大如釵股葉如蓬蒿謂之聚藻扶風人謂之藻聚

爲發聲也此二藻皆可食煮熟按去腥氣米麴糝蒸爲茹甚嘉

美荆揚人饑荒以當穀食饑時蒸而食之

齊民要術十 詩正義卷一之四 左傳

正義三

爾雅疏八

證類本草九

詩緝二

諸本所引無

末六字御覽九百九十九引云荆揚人食以當穀救饑饉荒時

蒸而食之

白茅包之

茅之白者古用包裹禮物以充祭祀縮酒用之

御覽九百九十六

匏有苦葉傳匏謂之瓠瓠葉苦不可食也

匏瓠也葉少時可爲羹又可淹煮極美故詩曰幡幡匏葉采之

烹之今河東及潯州人恆食之八月中堅強不可食葉卽苦故

曰苦蕒

齊民要術二 詩正義卷二之
三 太平御覽九百九十九

采蕒采菲傳蕒須也菲芴也

蕒蕒菁幽州人或謂之芥菲似蕒莖粗葉厚而長有毛三月中

蒸鬱爲茹滑美亦可作羹幽州人謂之芴爾雅又謂之蕒菜今

河內人謂之宿菜

齊民要術十 詩正義二之二 太平御覽
九百七十九又九百九十八 證類本草二

十七

爾雅疏八

爾雅翼六

李黃

詩集解五 詩緝四

急就章補注二

言采其蕒傳貝母也

蕒今藥草貝母也其葉如括樓而細小其子在根下如芋子正

白四方連聚相著有分解也

詩正義三之四 證類本草八
爾雅疏八 東萊讀詩記五 急

就章補
注四

菴竹漪漪傳菴王芻也竹篇竹也

有草似竹高五六尺淇水側人謂之菴竹也綠竹一草名其莖
葉似竹青綠色高數尺今淇澳旁生此其草澀礪可以洗攢笏

及盤枕利於刀錯俗呼爲木賊彼土人謂此爲綠竹詩正義三之二釋

文 離騷草木疏四 爾雅翼二 正義又引陸璣云淇澳二

水名以毛云隩隈爲誤 程泰之演繁露言陸疏援爾雅王芻

今諸本所引此文且言綠竹爲一草其不援爾雅王芻可見矣

詩緝三十四引繫終朝采綠下多其草澀礪二十三字又馮

嗣宗六家名物疏所

引亦繫終朝采綠下

葭莢揭揭傳葭蘆莢亂也

菰或謂之荻至秋堅成卽刈謂之荻三月初生其心挺出其下
本大如箸上銳而細有黃黑勃著之汚人手把取正白噉之甜
脆一名蓬蘽揚州謂之馬尾故爾雅云蓬蘽馬尾也幽州謂之
旨苽齊民要術十詩正義三之二藝文類聚八十二太
平御覽一千爾雅疏八離騷草木疏二循案汲古
閣本以此條繫葍葍蒼蒼於首加葍一名蘆莢一名菰二句末
誤連詩正義以今語驗之則葍蘆別草也二句此據要術所引
較正義引
者爲詳

芡蘭之支傳芡蘭草也

芡蘭一名蘿摩幽州人謂之雀瓢蔓生葉青綠色而厚摘之白
汁出食之甜脆爲茹滑美其子長數寸似瓠子

詩正義三之
三 太平御

覽九百九十五

爾雅疏入

蔓生以下俱詩緝六所引

汲古閣本崔孤下云柔弱恆蔓於地有所依緣則起

中谷有薤傳薤離也

舊說及魏博士濟陰周元明皆云庵間是也韓詩及三蒼說悉

云薤益母也故曾子見益母感恩

曾子本作曾母

案本草云茺蔚一名

益母故劉歆曰薤臭穢臭穢即茺蔚也

詩正義四之一爾雅疏八證類本草六

汲古閣本首云薤似葎方莖白華華生節間考諸本所引皆無葎郭璞爾雅注文由詩正義連引之而誤也

被采蕭兮

今人所謂荻蒿者是也或云牛尾蒿似白蒿白葉莖屬科生多者數十莖可作燭有香氣故祭祀以脂蕪之爲香許慎以爲艾

萬非也禮王度記曰士蕭庶人艾艾蕭不同明矣

詩正義四之一 太平御

覽九百九十七

爾雅疏八

離騷草木疏四

詩正義引此

文後又引郊特牲語所以解毛傳蕭所以供祭祀汲古閣本誤認亦陸疏而連錄之今攷太平御覽所引末有王度記十六字以證艾之非蕭益見郊特牲之非陸疏本文矣

隔有游龍傳游龍紅草也

紅草一名馬蓼葉極大赤白色生水澤中高丈餘

詩正義四之三 太平御

覽九百九十九

爾雅疏八

詩緝八

汲古閣本作游龍一

名馬蓼御覽引作紅草一名馬蓼蓋因毛傳以紅草訓游龍而

因卽紅草以爲訓

改游龍爲紅草也

茹蘆在阪傳茹蘆茅蒐也

茹蘆茅蒐茜草也一名地血齊人謂之茜徐州人謂之牛蔓今

國人或作畦種蒔故貨殖傳云扈茜千石亦比千乘之家

詩正義四

之四

爾雅疏八

曲阜桂

未谷種

以掖縣教諭爲樂源書院

監院余

在沛南時議之

未谷以所著

晚學集示余

內有考訂

陸璣疏

一篇甚精謂今國人以下二十三字圖經所引於牛蔓下

云二月三月采根暴乾今國人云云然則今國人以下乃圖經

之言闢入者圖經千乘之家

下尙有言地利之厚也六字

方乘蘭兮傳蘭蘭也

蘭卽蘭香草也春秋傳曰刈蘭而卒楚辭云紉秋蘭以爲佩孔

子曰蘭當爲王者香草皆是也其莖葉似藥草澤蘭但廣而長

節節中赤高四五尺漢諸池苑及許昌宮中皆種之可著粉中

故天子賜諸侯蒔蘭藏衣著書中辟白魚蓋今之蘭草都梁香

也詩正義四之四 埤雅十八 爾雅翼二 離騷草木疏一 詩緝八 王應麟漢制考四

贈之以勺藥傳勺藥香草

今藥草勺藥無香氣非是也

詩正義四之四 太平御覽九百九十 爾雅翼二 未審今何草司

馬相如賦云勺藥之和揚雄賦曰甘甜之和勺藥之美然則勺藥人人食之也爾雅翼引未審今何草爲孔穎達說

言采其莫傳莫菜也

莫莖大如箸赤節節一葉似柳葉厚而長有毛刺今人纔以取

蘭緒其味酢而滑始生可以爲藥又可生食五方通謂之酸迷

冀州人謂之乾絳河汾之間謂之莫

詩正義五之三 李黃集解十二 詩緝十

言采其實傳實水烏也

寶今澤瀉也其葉如車前草大其味亦相似徐州廣陵人食之

詩正義五之三 爾雅

疎八 李黃集解十二

藪蔓于野

藪似括樓葉盛而細其子正黑如燕莫不可食也幽州人謂之

烏服其莖葉煮以哺牛除熱渴

詩正義六之二 釋文 太平御覽九百九十二 李黃詩集

解十

采苦采苦傳苦苦菜也

苦菜生山田及澤中得霜則甜脆而美所謂葶茶如飴內則云

濡豚包苦用苦菜是也

齊民要術十 詩正義六之二 李黃集解十七 汲古閣本此條屬謹謂茶

苦今依

正義

兼葭蒼蒼傳兼葭葭也

兼水草也堅實牛食之令牛肥強青徐州人謂之兼兗州遼東

通語也

詩正義
六之四

親爾如葭傳荻芰芰也

芰芰一名荻葵似蕪菁華紫綠色可食微苦澁

詩正義七之一
太平御覽九

百七十九

爾雅疏八

讀詩記十二

爾雅翼八

詩緝十

二

汲古閣本首有荻一名芰芰句齊民要術荻葵下所引亦

有一名芰芰句而無一名荻

葵句御覽所引作一名荻葵

可以漚紵

紵亦麻也科生數十莖宿根在地中至春自生不歲種也荆揚之閒一歲三收今官園種之歲再刈刈便生剝之以鑄若竹挾之表厚皮自脫但得其裏韌如筋者謂之微紵今南越紵布皆用

此麻

詩正義七之一 讀詩記十三 鳥桑輯要二

可以漚菅

菅似茅而滑澤無毛根下五寸中有白粉者柔韌宜為索漚乃

尤善矣

詩正義七之一 爾雅疏八 詩經三十四 離騷草木疏四引云其未漚者名野菅詩白茅菅兮是也 汲

古閩本屬白華菅兮下今依正義屬於此

卽有旨苕傳苕草也

苕饒也幽州人謂之魁饒蔓生莖如豈豆而細葉似蒺藜而青

其莖葉綠色可生啖味如小豆藿

齊民要術十 太平御覽一千 李黃

集解十五 詩緝十三

印有旨鵲傳鵲綬草也

鵲五色作綬文故曰綬草

詩正義七之一 御覽九百九十八 爾雅疏八 李黃集解十五 讀

詩記十三 果解所引云陸璣又以鵲爲鳥名綬鳥一名鵲亦或謂之工綬下有囊如小綬五色食之甚美

有蒲與荷傳荷夫渠也

荷夫渠江東呼荷其莖茄其葉蓮莖下白藕其華未發爲菡萏

已發爲夫渠其實蓮蓬青皮裏白子爲的的中有青長三分如

鉤爲薏苡甚苦故俚語云苦如薏是也的五月中生生啖脆至秋表皮黑的成食或可磨以爲散如栗飯輕身益氣令人強健又可爲康幽州揚豫取備饑年其根爲藕幽州謂之光旁爲光如牛角

詩正義七之一

初學記二十七

藝文類聚八十二

太平御覽九百九十九

爾雅疏八

證類本草二

十三

爾雅翼八

離騷草木疏一

桂末谷云類聚引

飯作散來劉孝威謝東宮賚藕啟云子爲靈散得自莊篇

隔有莖楚傳莖楚銚七也

今羊桃是也一名銚七葉如桃而光尖長而狹華紫赤色其枝蔓弱過一尺引蔓於草上今人以爲汲灌重而善沒不如楊柳也近下根乃切其皮著熱灰中脫之可輞筆管

詩正義七之二

爾雅疏八

李黃詩集解十六 證類

本草十一 詩集十四

浸彼苞稭

禾粟秀爲穗而不成前疑然謂之童梁今人謂之宿田翁或謂
守田也甫田云不根不莠外傳曰馬不過稭莠皆是也

詩正義
七之三

太平御覽九百九十八 爾雅疏

八 李黃詩集解十七 爾雅翼八

食野之苹傳苹萍也箋苹蘋也

蘋蕭葉青白色莖似薔而輕脆始生時可生食又可蒸食

齊民
要術

十 詩正義九之二 太平御覽九百九十八 爾雅疏八

李黃詩集解十九 馮嗣宗六家名物疏引盧氏雜說云唐文

宗問宰臣苹是何草李珣曰是蘋蕭上曰朕看毛詩疏苹葉圓
而華白叢生野中似非蘋蕭馮云唐文宗所引詩疏與今本異

循謂要術及正義所引陸疏俱無
此文或出劉芳沈重等義疏也

食野之蒿傳蒿菽也

蒿青蒿也荆豫之間汝南汝陰皆云菽也
詩正義九之二 太平御覽九百九十七

爾雅疏八 汲古閣
本羅入郭氏爾雅注文

食野之苳傳苳草也

莖如釵股葉如竹葉生澤中下地鹹處牛馬喜食之
讀詩記十
七 詩緝

南山有臺傳臺夫須也

舊說夫須莎草也可為蓐笠故曰臺笠緇撮或云臺草有皮堅

細滑緻可爲簞笠南山多有詩正義十之一 太平御覽九百九十八 爾雅疏八 讀詩記十

北山有萊傳萊草也

萊藜也其莖葉皆似萊王芻今兗州人蒸以爲茹謂之萊烝譙

郡人謂雞蘇爲萊故三蒼云萊菜莢此二草異而名同齊民要術十

詩正義十之一 太平御覽九百九十

八 爾雅翼六 東萊讀詩記十八

青蒿者莠傳莠蘿蒿也

莠蒿也一名蘿蒿生澤田漸洳之處叢似邪蒿而細科生三月

中莖葉可生食又可蒸香美味頗似萋蒿齊民要術十 詩正義十之一 太平御

覽九百九十七 東萊讀詩記

十九 爾雅疏八 詩緝十二

薄言采芑傳芑菜也

蘆似苦菜莖青白色摘其葉白汁出甘脆可生食亦可以蒸為

茹青州人謂之芑西河雁門蘆尤美時人戀之不能出塞齊民要術

九 詩正義十之二 李黃詩
集解二十一 讀詩記十九

言采其蘆傳蘆惡菜也

今人謂之羊躡似蘆蘆而葉長莖赤煮為茹滑而不美多噉令

人下痢幽陽謂之蘆一名蓐亦食之齊民要術十 詩正義十

引云揚州人謂羊躡為蘆 李黃詩集解二十二 證類本草
十一 詩緝十九 引作蓐為茹滑菜也 讀詩記所引今人謂

之牛蹏正義止引首句餘皆要術所引也證類本草引作赤
赤可以為茹滑而美多啖令人下氣為異要術亦食之作一食
之一
字誤

言采其菑傳菑惡菜也

河東關內謂之菑幽充謂之燕菑一名爵弁一名蔓根正白著
熱灰中溫嗽之饑荒可蒸以禦饑漢祭甘泉或用之或云其華

葉有兩種一種莖葉細而香一種莖赤有臭氣

齊民要術十
詩正義十之二

御覽九百九十八

爾雅疏八

讀詩記二十

詩經十九引

云河內謂之菑幽州謂之菑燕一名菑其根正白宜著熱灰中

溫嗽之又引云或云其華葉有兩種一種葉細而華赤一種葉

大而華白復香御覽引作河內關中謂菑為菑桂未谷云

一名蔓蔓

當作菑

匪我伊蔚傳蔚牡藪也

牡蒿也三月始生七月華華似胡麻華而紫赤八月爲角角似

小豆角銳而長一名馬薪蒿

詩正義十三之一 御覽九百九十七 證類本草九 爾雅疏八

詩緝三十二

御覽證類本

草三月上作牡蒿牡藪也五字

薦與女蘿傳女蘿菟絲松蘿也

今菟絲蔓連草上生黃赤如金今合藥菟絲子是也非松蘿松

蘿自蔓延松上而生枝正青與菟絲殊異

詩正義十四之二 爾雅疏八 證類本

草六 爾雅翼二

騶騷草木疏二

茗之華傳茗陵茗也

茗一名陵時一名鼠尾似王芻生下濕水中七月八月中華紫

似今紫草華可以染阜煮沐頭髮卽黑葉青如藍而多華

詩正義十五之

三 御覽一千 爾雅疏入 證類本草十三

維筍及蒲傳筍竹也蒲蒲弱也

筍竹萌也皆四月生惟巴竹筍八月生盡九月成都有筍及冬

始生長數寸斷以苦酒鼓汁浸之可以就酒及食又可采藏及

乾以待冬月也

齊民要術九 詩正義十八之四

蒲深蒲也周禮以爲菹謂蒲

始生取其心中入地弱大如匕柄正白生噉之甘脆鬻而以苦

酒浸如食筍法大美今吳人以爲菹又以爲酢

齊民要術五 詩正義十八之

四 汲古閣本繫荀於木今
爾雅荀竹萌屬草爲正之

言采其茹傳茹臭葵也

茹與苕菜相似葉大如手赤圓有肥者著手中滑不得停莖大
如匕柄葉可以生食又可嚙滑美江南人謂之葶菜或謂之水
葵諸陂澤水中皆有

詩正義二十
之一 釋文

草 凡得五
十三條

葶菜甘棠傳甘棠杜也

今棠梨一名杜梨如梨而小味酢可食也

齊民要術五
讀詩記三 釋文

引云小如指
酢味可食

標有梅

梅杏類也樹木葉皆如杏而黑耳實赤於杏而酢亦生噉也

而曝乾為蘇置羹臚齋中又可含以香口亦蜜藏而食齊民要術四

初學記二十八 御覽九百七十 爾雅翼十 蘇初學記引作腊御覽作蘇

唐棣之華傳唐棣移也

與李也一名雀梅亦曰車下李所在山中皆有其華或白或赤

六月中成實大如李子可食爾雅疏九 證類本草十四 埤

三字 李黃集解四又十七

山有標

栗屬或所謂從木有兩種其一種大小枝皆如栗其子小形似
杼子表皮黑味亦如栗所謂樹之榛栗者也其一種枝莖如木
蓼葉如牛李色生高丈餘其核中悉如栗作胡桃味膏又美亦
可食噉漁陽遼代上黨皆饒其枝莖生樵燕燭明而煙齊民要術四
詩正義三之三引云栗屬其子小似梯子表皮黑味如栗太
平御覽九百七十三既引與要術同又引云山有榛枝葉似栗
樹子似榛子味似栗枝莖可以為燭循案梯乃杼之譌杼子即
榛子可以為燭即生樵燕燭也正義多表皮黑三字齊民要術
所缺為補之詩緝四引木有兩種
上有字或作纂四字讀詩記五

樹之榛栗

栗五方皆有之周秦吳揚特饒吳越被城表裏皆栗惟濮陽及

范陽栗甜美味長他方者悉不及也倭韓國諸島上栗大如雞
子亦短味不美桂陽有莘栗叢生實大如杼子中仁皮子形色
與栗無異但差小耳又有與栗皆與栗同子圓而細或云卽莘
也今此色惟江湖有之又有茅栗佳栗其實更小而木與栗不
殊但春生夏華秋實冬枯爲異耳

初學記二十八 太平御覽
九百六十四 證類本草二

十三引作大如杏子
中仁依初學記作杼

椅桐梓漆

梓者楸之疏理白色而生子者爲梓梓實桐皮曰椅今人云梧
桐也有白桐有青桐有赤桐白桐宜爲琴瑟雲南梓何人續其

皮以爲布似毛布

齊民要術五

詩正義三之一

初學記二

十四 讀詩記五

爾雅疏九

急就章補注三

詩緝五引

爲布下有甚好二字

毛刺今人曰梧桐也下連孔氏正義則

大類同而

小異也句

投我以木瓜傳木瓜楸也

楸葉似柰葉實如小瓜黃似著粉欲啖者截著熟灰中令萎薦

淨洗以苦酒蘸汁蜜之可案酒食密封藏百日乃食之甚美

齊民

要術

四

揚之水不流東蒲傳蒲草也箋蒲蒲柳

蒲柳有兩種皮正青者曰小楊其一種皮紅者曰大楊其葉皆

長廣似柳葉皆可以爲箭幹故春秋傳曰董澤之蒲可勝既乎
今又以爲箕筐之楊也詩正義四之一 初學記二十八 藝文類聚八十九 太平御覽九百五十六

無折我樹杞

杞柳屬也生水傍樹如柳葉粗而白色木理微赤故今人以爲
車轂今其北淇水傍魯國泰山汶水邊純生杞柳也詩正義四之二 初

學記二十八 太平御覽九百五十六 證類本草十三 詩緝八

無折我樹檀

檀木皮正青滑澤與檠迷相似又似駁馬梓榆故里語曰斫檀

不諱得樂迷樂迷尙可得駁馬難迷一名羣植故齊人諺曰上

山斫植羣植先殫

詩正義四之二

顏如舜華

舜一名木槿一名槲一名曰椶櫚魯之閒謂之王蒸今朝生暮

落者是也五月始華故月令仲夏木槿榮

齊民要術十詩正義四之三爾雅疏

八詩
緝八

山有樞傳樞莖也

其鍼刺如柘其葉如榆淪爲茹美滑於白榆也榆之類有十種

葉皆相似皮及木理異耳

爾雅疏九讀詩記十一詩緝十一

山有栲傳栲山栲

山栲生山中與下田栲大略無異葉似差狹耳吳人以其葉爲茗方俗無名此爲栲者似誤也今所云爲栲者葉似櫟木皮厚數寸可爲車輻或謂之栲櫟許慎正以栲讀爲櫟今人言栲失其聲耳

詩正義六之一

證類本草十四

李黃集解十二

詩緝十一

術案首辨山栲非栲所以辨毛傳也毛刻

本以首段繫蔽帶其栲下非是

隔有栲傳栲櫟也

葉似杏葉而尖白色皮正赤爲木多曲少直枝葉茂好二月中葉疏開華如練而細蕊正白蓋樹今官園種之正名曰萬歲旣

取名於億萬其葉又好故種之其汲山下人或謂之牛筋或謂

之櫪材可爲弓弩幹也

詩正義六之一
詩
緝十一
爾雅疏九

椒聊之實傳椒聊椒也

聊語助也椒樹似茱萸有鍼刺葉堅而滑澤蜀人作茶吳人作茗皆合煮其葉以爲香今成皋諸近山閒有椒謂之竹葉椒其樹亦如蜀椒少毒熱不中合藥也可著飲食中又用蒸雞豚最佳香東海諸島上亦有椒樹枝葉皆相似子長而不圓甚香其味似橘皮島上獐鹿食此椒葉其肉自然作椒橘香

詩正義六之一
太

平如覽九百五十八
論類本草十四
爾雅疏九
爾雅草木疏三
急就章補注四

有秋之杜

赤棠與白棠同耳但子有赤白美惡子白色爲白棠甘棠也少

酢滑美赤棠子澀而酢無味俗語云澀如杜是也赤棠木理韌

亦可以作弓幹

齊民要術五 詩正義六之二 太平御覽九百七十三 爾雅疏九 埤雅十三

集于苞栩傳栩籽也

今作櫟也徐州人謂櫟爲籽或謂之爲栩其子爲阜或言阜斗

其穀爲汁可以染阜今京洛及河內多言籽汁謂櫟爲籽五方

通語也

詩正義六之二 藝文類聚八十九 證類本草十四 爾雅疏九 詩經十一

有條有梅傳條栢梅栢也

栢今山楸也亦如下田楸耳皮葉白色亦白材理好宜爲車板

能濕又可爲棺木宜陽其北山多有之

詩正義六之四 爾雅疏九 詩緝十二 梅

樹皮葉似豫樟豫樟葉大如牛耳一頭尖赤心華赤黃子青不

可食枿葉大可三四葉一叢木理細緻於豫樟子赤者材堅子

白者材脆江南及新城上庸蜀皆多樟枿終南與上庸新城通

故亦有枿也

詩正義六之四 太平御覽九百六十一 爾雅疏九

山有苞櫟

秦人謂柞櫟爲櫟河內人謂木蓼爲櫟卽櫟斗也言有棣實自裏椒櫟之屬也其子房生爲棣木蓼子亦房生故說者或曰柞

櫟或曰木蓼璣以爲此秦詩也宜從其方土之言柞櫟是也東
海及徐州謂之木蓮其葉始生食之味辛其椹子八月中成摗
以爲燭明如胡麻燭研以爲羹肥如胡麻羹詩正義六之四
藝文類聚八十九
爾雅疏九 初學記 爾雅翼十二 讀詩記十二 詩
緝十二 桂未谷云木蓼爲櫟下有爾雅曰其實椹六字
櫟有六駁傳駁如馬偃牙食虎豹

駁馬木名梓榆也其樹皮青白駁犖遙視似駁馬故謂之駁馬
下章云山有苞棣隔有樹槎皆山隔之木相配不宜云獸詩正
義六
之四釋文 藝文類聚八十八 太平御覽九百五十六又
九百六十一讀詩記十二 爾雅翼云毛氏直以爲獸之六
駁則與苞櫟槎不
相類故陸賡不從也

陽有樹榲傳榲赤羅也

榲一名赤羅一名山梨也今人謂之楊榲實如梨但小而酸耳

一名鹿梨一名鼠梨齊郡廣縣堯山魯國河內其北中有今人

亦種之極有脆美者亦如梨之美也

詩正義六之四 藝文類聚八十七 太平御覽引

實如梨下作但實甘小異耳

李黃

集解十四 爾雅疏九 詩經十二

六月食鬱及薁傳鬱榲屬薁薁實也

其樹高五六尺其實大如李正赤色食之甜

齊民要術十 太平御覽九百七十

三 榲莫大如龍眼黑色今車映藤實是

齊民要術十

集于苞杞傳杞枸櫞也

其樹如樗一名苦杞一名地骨春生作蕘茹微苦其莖似莓子

秋熟正赤莖葉及子服之輕身益氣

釋文於南山有杞下引云其樹如樗一名狗骨本草

引此繫四牡集于苞杞從之證類本草又於南山有杞下繫之云陸璣曰山木其狀如樗一名狗骨理白可爲函板者是此也

爾雅疏九

又案枸櫞爾雅屬

釋木汲古閣本誤係於草今正之

常棣之華傳常棣棣也

許慎曰白棣樹也如李而小子如櫻桃正白四月熟今官園種

之又有赤棣樹亦似白棣葉如刺榆葉而微圓子正赤如郁李

而小五月始熟自關西天水隴西多有之

爾雅疏九

承華者曰萼其

實似櫻桃萼李麥時熟食美北方呼之相思也

齊民要術十李黃集解十九

南山有枸傳柜也

今傳云枸枳枸薤民要術引陸氏疏連引此傳云毛云柜也

枸樹高大似白楊有子著枝端大如指長數寸噉之甘美如飴

八九月熟江南者特美今官園種之謂之木蜜本從江南來其

木能令酒薄若以爲屋柱則一屋酒皆薄

齊民要術十義十之一詩正義十之一藝文類

聚八十七

太平御覽九百七十四

禮記明堂位疏引云棋

曲來巢

詩緝十八引江南作南方末云若以爲屋柱則一室

之內酒

皆少味

北山有楸

楸楸屬其樹枝葉木理如楸山楸之異者今人謂之苦楸濕時

脆燥時堅今永昌又謂鼠梓漢人謂之楸

詩正義十之一太平御覽九百五十八

爾雅疏九 證類本草

十四 離騷草本疏三

其下維穀

幽州人謂之穀桑或曰楮桑荆揚交廣謂之楮殷中宗時桑穀

其生是也今江南人績其皮以為布又搗以為紙謂之穀皮紙

長數丈潔白光澤其裏甚好其葉初生可以為茹

詩正義十一
之一 太平

御覽九百六十 證類本草十二引米二

句作又食其嫩芽以當菜茹 爾雅翼九

蔽芾其樗

樗樹及皮皆似漆青色耳其葉臭

太平御覽九百五十九 汝古問本繫采茶薪樗下案御

覽引此連

蔽芾其樗

無浸穢薪

今椰榆也其葉似榆其皮堅韌剝之長數尺可爲經索又可爲

甌帶其材可爲栝器

詩正義十三之一
爾雅疏九

隰有杞桋傳桋赤棟也

棟葉如柞皮薄而白其木理赤者爲赤棟一名桋白者爲棟其

木皆堅韌今人以爲車轂

爾雅疏九

薦與女蘿傳薦寄生也

薦一名寄生葉似當盧子如覆盆子赤黑甜美

詩正義十四之二
爾雅疏九

證類本草十二
汲古閣本繫薦於草
類乃爾雅寄生屬木
移繫於此以正之

柞械拔矣傳械白桺也

三蒼說械卽柞也其材理全白無赤心者爲白桺直理易破可爲橫車又可爲矛戟矜今人謂之白桺或曰白柘此二說不同

未知孰是

詩正義十六之二 太平御覽九百五十八 爾雅疏九 詩緝二十五

檟格濟濟

檟其形似荆而赤莖似蓍上黨人織以爲斗筭箱器又屈以爲釵故上黨人謂曰問婦人欲買赭不謂道下自有黃土問買釵

不謂山中自有格

詩正義十六之三 太平御覽九百五十九 爾雅翼九 詩緝二十五 釋文引首二

句作格木莖似荆而赤其葉如蓍御覽引兩謂字均作曰 桂未谷云斗筭當作牛簾說文簾似牛簾也

其灌其樹傳樹柄也

葉如榆木理堅韌而亦可為車輶

詩正義十六之四
釋文 爾雅疏九

其櫨其櫨傳櫨河柳也櫨櫨也

生河傍皮正赤如絳一名雨師枝葉似松

詩正義十六之四
詩緝二十六引作水

傍 循案此櫨
文殘闕不完

節中腫似扶老即今靈壽是也今人以為馬鞭

及杖宏農其北山甚有之

詩正義十六之四 釋文 爾雅疏
九 證類本草十四 詩緝二十六

木

凡得四
十條

陸氏草木鳥獸蟲魚疏疏卷下

江都焦循考訂

關關鵲鳩

鵲鳩大小如鴝深目目上骨露幽州人謂之鵲而揚雄許晉皆

曰白鴈似鴈尾上白

詩正義一之一 爾雅疏十 詩緝一

黃鳥于飛

黃鳥黃鵠留也或謂之黃栗留幽州人謂之黃鶯或謂之黃鳥

一名倉庚一名商庚一名鷦黃一名楚雀齊人謂之搏黍關西

謂之黃鳥常以甚熟時來在桑樹間故里語曰黃栗留晉我麥

黃甚熟亦是應節趨時之鳥也或謂之黃袍

詩正義一之二 藝文類聚九十七

太平御覽九百二十三 爾雅疏十 李

黃集解十七 東萊讀詩記二 詩緝一

流離之子

流離巢也自關西謂梟為流離其子適長大還食其母故張奐

云鵲鴉食母許春云梟不孝鳥是也詩正義二之三 爾雅疏十 釋文 汲古閣本列

蕭蕭鵲羽繫以陸玑疏云鵲鳥似雁而虎文連蹠性不樹止樹止則為苦故以喻君子從征役為危苦也此正義解毛傳鵲之

性不樹止文因連上陸疏解作 櫟文遂誤以此亦為陸疏也

就彼晨風傳晨風鷓也

鷓似鵲青黃色燕頤句喙嚮風搖翅乃因風飛急疾擊鳩鷓燕

雀食之詩正義六之四 釋文 爾雅疏十 埤雅六 詩緝十二

值其鷺羽

鷺水鳥也好而絮白故謂之白鳥齊魯之間謂之春鉏遼東樂
浪吳揚人皆謂之白鷺青脚高尺七八寸尾如雁尾喙長三寸
頭上有毛十數枝長尺餘毳毳然與衆毛異好欲取魚時則弭
之今夫人亦養焉楚威王時有朱鷺台杳飛翔而來舞則復有
赤者鼙鼓吹朱鷺曲是也

詩正義七之一 藝文類聚九十二
太平御覽九百二十五 爾雅疏十

有鷓鴣止

鷓鴣大如斑鳩綠色惡聲之鳥也入人家凶賈誼所賦鷓鴣鳥是也
其肉甚美可爲羹臠又可爲炙漢供御物各隨其時惟鷓鴣冬夏

常施之以其美故也

詩正義七之一 太平御覽九百二十七

東萊讀詩記十三

李黃集解十五

埤雅九

詩緝十三引服鳥是也下云今人謂之鵠鵠亦名怪鵠內則云鵠鵠胖古人尚之

維鵜在梁

鵜水鳥形如鵠而極大喙長尺餘置而廣口中正赤頰下胡大

如數升囊若小澤中有魚便羣共扞水滿其胡而弃之令水竭

盡魚在陸地乃其食之故曰淘河

詩正義七之三 太平御覽九百二十五 李黃集解十

六詩

緝十五

鴈鳩在桑傳鴈鳩枯鞠也

今梁宋之間謂布穀爲鴈鴈一名擊穀一名桑鳩

春秋左傳正義四十八

六帖九十五又引云鷦鷯後五日鷹化爲鷽似
有誤 太平御覽九百二十五 爾雅疏十
鷽鷽鷽傳鷽鷽鷽也

鷽鷽似黃雀而小其喙尖如錐取茅莠爲巢以麻紱之如刺繡
然縣著樹枝或一房或二房幽州人謂之鷽鷽或曰巧婦或曰
女匠關東謂之工雀或謂之過麻關西謂之桑飛或謂之穰雀
或曰巧女 詩正義八之二 藝文類聚九十二 太平御覽九百二十三 爾雅疏十 李黃集解十七
鷽鳴于埴

鷽鷽雀也似鴻而大長頸赤喙白身黑尾翅樹上作巢大如車
輪卵如三升杯望見人按其子令伏徑舍去一名負釜一名黑

尻一名背篋一名阜裙又泥其巢一傍爲池含水滴之取魚置

池中稍稍以食其雛若殺其子則一村致旱災

詩正義入之二
太平御覽九

百二十五
詩緝
十六引云鵠似鶴

鴻飛避渚

鴻鵠羽毛光澤純白似鶴而長大頸肉美如雁又有小鴻大小

如鵝色亦白今人恒謂鴻也

太平御覽
九百十六

翩翩者雛

今小鳩也一名鴉鳩幽州人或謂之鵲鵲梁宋之間謂之佳揚

州人亦然

爾雅疏十
詩
緝引云如小鳩

齊令在原

大如鸚雀長腳長尾尖喙背上青灰色腹下白頸下黑如連錢

故杜陽人謂之連錢

詩正義九之二
五 兩雅疏十

御覽九百二十
李黃集解十九

馱彼飛隼

隼鵠屬也齊人謂之擊征或謂之翅肩或謂之雀雁春化為布

穀此屬數種皆為隼

詩正義十之二
兩雅疏十

太平御覽九百二十七
李黃集解二十一引曰隼

鵠屬一名雀雁

東萊讀詩記十九

鶴鳴于九皋

鶴形狀大如鵠長腳青翼高二尺喙長四寸餘多純白或有蒼

色者今人謂之赤頰常夜半鳴淮南子亦云雞知將旦鶴知夜
 半其鳴高亮聞八九里雌者聲差下今吳人園囿中及士大夫
 家皆養之雞鳴時亦鳴詩正義十一之一 初學記三十雌者
 聲差下引作雞老者乃聲下 太平御覽九百
 十六

宛彼鳴鳩

鳴鳩斑鳩也杜陽人謂之斑佳詩正義三之三 釋文 爾雅
 音義 呂之讀詩記二十一

今雲南鳥大如鳩而黃喉鳴相呼不同集謂金鳥或云黃當為
 鳩聲轉故名移也又云鳴鳩一名爽又云是鷓太平御覽九百
 二十一 文多

闕誤他
 無可考

交交桑扈

青雀也好竊人脯肉脂及膏故曰竊脂也

詩正義十二之三
左傳正義四十八

爾雅疏十 李

黃集解二十四

有巢維鵲

鵲微小於翟也走而且鳴音鵲鵲然其色如雌雉尾如雉尾而

長其頭上有肉冠冠上叢毛長數寸如雄雉尾角也其肉甚美

故林慮山下人語曰四足之美有麀兩足之美有鵲麀者似鹿

而小

詩正義十四之三
平御覽九百十七

爾雅疏十 太
詩緝二十三

鳬鷖在涇

大小如鴨青色卑脚短喙水鳥之謹愿者也

詩正義十七之二
爾雅翼十七

詩緝二

十七

鳳皇于飛

雄曰鳳雌曰皇一名鸞其雛名鸞鸞或曰鳳一名鸞鸞其形鴻
前鹿後蛇頸魚尾龍文龜身燕頤雞喙首戴德頸揭義背負仁
翼挾信心抱忠足履正尾繫武非梧桐不棲非竹實不食朝鳴
曰發明晝鳴曰上翔夕鳴曰滿昌昏鳴曰固常夜鳴曰保長得
其歷象之一則過之二則翔之三則集之四則春秋居之五則

爲身居之

釋文
十五

爾雅音義 初學記三十 太平御覽九百
循案初學記引作草蟲經云雄曰鳳雌曰皇

其雛爲鷦鷯或曰鳳皇一名鷦鷯一名瑞鷽下又云毛詩鷽鷽
鳳非梧桐不棲非竹實不食後事對中又引詩義疏曰鳳皇名
鷽鷽非梧桐不棲非竹實不食諸說鷽鷽鳳類與此不同徐
陸德明俱唐初人徐所引草蟲經陸德明標以毛詩草木疏况
唐志皆無草蟲經書名則草蟲經卽陸璣疏無疑至釋文或
曰下所云與初學記所標詩義疏者雖詳略不同而所謂鳳一
名鷽鷽及梧桐竹實二句實合彼此互校皆陸疏之
之文朱檢討經義考以草蟲經別於陸疏非也

華允彼桃蟲

今鷽鷽是也微小於黃雀其雛化而爲雕故俗語鷽鷽生雕詩正

義十九之四爾雅疏十李黃集解三十九詩緝三十四

桂未谷云藝文類聚引二雕字俱作鷽尚有一段云焦貢易

林亦謂桃蟲生鷽或云

布穀生子鷽鷽養之

鳥

凡得二
十一條

麟之止

麟麕身牛尾馬足黃色員蹄一角角端有肉音中鐘呂行中規
矩遊必擇地詳而後處不履生蟲不踐生草不羣不旅行不入
陷穽不罹羅網王者至仁則出今并州界有麟大小如鹿非瑞
麟也故司馬相如賦曰射麋脚麟謂此麟也詩正義一之三
釋文初學記二
十九太平御覽八百八十九
爾雅疏十一
賦二十詩緝一不入作不經末多注麟謂持其脚也
吳淑事類
野有死麋

麋麋也青州人謂之麋

釋文詩緝二引云青州謂之
麋春秋傳云六麋興於前是也

于嗟乎騶虞

騶虞白虎黑文尾長於軀不食生物不履生草君王有德則見

應德而至者也

詩正義一之五 釋文 劉芳詩義疏曰騶虞或作吾

並驅從兩狼兮

其鳴能小能大善爲小兒號聲以誘人去數十步其猛捷者雖

善用兵者不能免也其膏可煎和其皮可爲裘故禮記狼臠膏

又曰君之右虎裘厥左狼裘

詩正義五之一 太平御覽九百零九 爾雅疏十 詩緝九 東

萊讀詩記九

爾雅引毛詩草蟲經云老狼項下有袋求食滿

腹向前行乃觸之退後又自踏踐上意其尾進退有患故詩以况跋前疐後 汲古閣本此條

係狼跋其胡下今依正義正之

維熊維羆

熊能攀援上高樹見人則顛倒自投地而下冬多入穴而蟄始

春而出

藝文類聚九十五
太平御覽九百零八

母教獐升木傳獐援屬

獐獐猴也楚人謂之沐猴老者爲獐長臂老爲獐獐之白要者

爲獐胡獐胡獐駿捷於獐猴其鳴噉噉而悲

詩正義十五之一
初學記二十九

引作草蟲經文與正義所引陸疏實同詳見鳳皇條
下 太平御覽九百零八 東萊讀詩記二十三

獻其獐皮

獐似虎或曰似熊一名執夷一名白狐其子爲穀遼東人謂之

白熊

詩正義十入之四

釋文

爾雅音義

太平御覽九

百零八

爾雅疏十一

爾雅翼十九

詩緝三十一

赤豹黃熊

赤豹毛赤而文黑謂之赤豹毛白而文黑謂之白豹熊有黃熊

有赤熊大於熊其脂如熊白而粗理不如熊白美也

詩正義十八之四

太平御覽九百零八

爾雅疏十一

證類本草十七

爾雅

翼十九引毛赤作尾赤

急就章補注四

詩緝十九

汲古

爾雅本以赤豹條屬之羔裘豹飾以黃熊條合類聚所引熊一條係之有熊有熊今正之

碩鼠碩鼠

樊光謂卽爾雅鼯鼠也許慎云鼯鼠五伎鼠也今之河東有碩

鼠大能人立交前兩腳於頭上跳舞善鳴食人禾稼逐則走入

樹空中亦有五伎或謂之雀鼠其形大故敘云大鼠也魏國今

河東河北縣也詩言其方物宜謂此鼠非今大鼠又鼠不食禾

苗本草又謂螻蛄爲石鼠亦五伎古今方土名蟲鳥物異名同

故記也

詩正義五之三 藝文類聚九十五 太平御覽九百一十一 爾雅疏十一 證類本草二十二 大能人立

御覽作大且多力頭上正義作頭上 汲古閣本列此條於魚蟲之後案爾雅諸鼠屬獸類故移係於此以從其類云

獸

凡得十條

螽斯羽

爾雅螽斯螞蟴也揚雄云春黍也幽州人謂之春箕春箕卽春

黍蝗類也長而青長角長股股鳴者也或謂似蝗而小班黑其

股似瑇瑁又五月中以兩股相搓作聲聞數十步江東人呼爲

蚘蛎

詩正義一之二 太平御覽九百四十六 詩緝十六引長角作長腳

嚶嚶草蟲

一名負蠶大小長短如蝗也奇音青色好在茅草作聲

詩正義一之四

釋文

爾雅疏九

李黃集解三

詩緝二

汲古閣本首

多常羊也三字而以一名負蠶四字屬之阜蠶案爾雅草蟲名

負蠶阜蠶名蠶釋文

所引甚明故持正之

趨趨阜蟲

蝗也今人謂蝗子為蚤子兗州人謂之騰

詩正義一之四 藝文類聚一百 太平

御覽九百

四十九

傾如蝥蟥

蟪蛄生糞土中

太平御覽九
百四十八

蟋蟀在堂

蟋蟀似蝗而小善跳正黑有光澤如漆有角翅一名蜚一名蜻

蛸楚人謂之王孫幽州人謂之趨織督促之言也里語曰趨織

鳴嬾婦驚

詩正義六之一
百四十九

爾雅疏九
李黃集解十七

太平御覽九
詩緝十

一

蟋蟀之羽

蟋蟀方土語也通謂之渠略似甲蟲有角大如指長三四寸甲

下有翅能飛夏月陰雨時地中出今人燒炙噉之美如蟋也樊

光謂之翼中蜩蟲隨陰雨時為之朝生而夕死

詩正義七之三
藝文類聚九

十七

太平御覽九百四十四

李黃集解十六

詩緝十五

五月鳴蜩

鳴蜩蟬也宋衛謂之蜩陳鄭謂蜩海岱之間謂之蟬蟬通語也

太平御覽九百四十四

李黃集解十

六

案陳鄭胡蜩謂下疑缺去之字

六月莎雞振羽

莎雞如蝗而斑色毛翅數重下翅正赤色或謂之天雞六月中

飛而振羽索索作聲幽州人謂之蒲錯

詩正義八之一
太平御覽九百四十六

爾雅疏九

李黃集解十七

蔡元度名物解十二
埤雅十

爾雅翼二十五

詩緝十六引天雞下有今絡緯蟲是也六字

下翅正亦正義作其翅正
亦御覽爾雅製作下翅爲是

伊威在室

伊威一名委黍一名鼠婦在壁根下窺底土中生似白魚者是

也詩正義入之二 李黃集解十八 太平御覽九百四十九 爾雅疏九 詩緝十六

蟪蛄在戶

蟪蛄子也小蜘蛛長腳者俗呼蟪蛄子一名長腳荊州河內人謂之

喜母此蟲來著人衣當有親客至有喜也幽州人謂之親客亦

如蜘蛛爲羅網居之

詩正義入之二 太平御覽九百四十八 爾雅疏九 爾雅翼二十五 李黃集

解十八 詩緝十六

螟蛉有子蜾蠃負之

螟蛉者桑上小青蟲也似步屈其色青而細小或在草葉上蜾蠃土蜂也一名蒲盧似蜂而小要故許慎云細要也取桑負之

於木空中或書卷間筆筒中七日而化為其子里語曰咒云象

我象我

詩正義十二之二 太平御覽九百四十五 爾雅疏九 爾雅翼二十六 取桑下蒿有蠱字

去其螟蜥及其蠹賊

螟似子方而頭不赤蜥蜴也賊似桃李中蠹蟲赤頭身長而細耳或說云蠹螟蛄也食苗根爲人害許晉云吏犯法則生螟乞貸則生蜥舊說螟蜥蠹賊一種蟲也如言寇賊姦宄内外言之

耳故健為文學曰此四種蟲皆蝗也實不同故分別釋之詩正義十

四之一 春秋左傳正義三
藝文類聚一百 爾雅疏九

卷髮如蓬

蓬一名杜伯河內謂之蚊幽州謂之蠟太平御覽九百四十七

如蜎如蟪

一名蠅蚋一名蚋蚋青徐謂之蠅蟪楚人謂之蠅蚋秦燕謂之

蟪蚋或名之蟪蚋詩正義十八之一 釋文 太平御覽九百四十九 爾雅疏九 證類本草二十一

正義引陸璣疏云蟪一名蠅蚋字林蚋或作蟪青徐人謂之蟪
蟪案璣為三國時人字林晉呂忱所撰璣不得引此蓋正義引
書問為音釋此字林蚋或作蟪六字宜本旁注久之汨於正文
也爾雅翼二十七俱引作陸疏文非是 汲古閣本首有蟪蟪

之大而黑色者有五德
文清廉健慎十六字

蟲
凡得十
四條

鱸魚發發

鱸魚出江海三月中從河下頭來上河南鞏縣東北崖二山腹
有穴舊說云此穴與江湖通鱸魚從此穴而來北入河西上龍
門入漆沮故張衡賦云王鮪岫居山穴爲岫謂此穴也鱸魚形
似龍銳頭口在頷下背上腹下皆有甲縱廣四五尺今於盟津
東石磯上釣取之大者千餘斤可蒸爲臠又可爲鮓魚子可爲
醬鮓魚形似鱸而青黑頭小而尖似鐵兜鍪口亦在頷下其甲

可以摩薑大者不過七八尺益州人謂之鱣鮪大者為王鮪小

者為鮪鮪一名鮪肉色白味不如鱣也今東萊遼東人謂之尉

魚或謂之仲明者樂浪尉也溺死海中化為此魚詩正義三之

三十 太平御覽九百三十六 爾雅疏十
詩緝六 河南鞏縣下五十五字依初學記入

其魚魴鱓

魴今伊洛濟潁魴魚也廣而薄肥甜而少力細鱗魚之美者也

漁陽泉州及遼東梁水魴特肥而厚尤美於中國魴故其鄉語

曰居就梁水魴詩正義五之二 太平御覽九百三十七 爾雅疏十 事類賦二十九 讀詩記九 詩緝

十三引少力作少
內中國作中州

其魚魴鱣

鱣似魴厚而頭大魚之不美者故里語曰網魚得鱣不如啗茹

其頭尤大而肥者徐州人謂之鱣或謂之鱣幽州人謂之鵝鰕

或謂之胡鱣

詩正義五之二 初學記三十 太平御覽九 百三十七 李黃集解十一 事類賦二十九

九民之魚鱣魴

鱣似鱣而鱗細於鱣赤眼多細文

詩正義入之三 太平御覽 九百三十七 讀詩記十六

詩緝

十六

魚麗于留鱣鱣

鱣魚一名黃揚今黃頰魚是也似燕頭角身形厚而長大頰骨

正黃魚之大而有力解飛者徐州人謂之揚黃類通語也鮓魚

吹沙也魚狹而小嘗張口吹沙故曰吹沙一名重脣箭鮓詩正義九

之四初學記三十太平御覽九百三十七東萊讀詩記
十七爾雅疏十李黃集解二十詩集十七引角作魚

魚麗于醫舫鱧

爾雅曰鱧魮也許脊以為鯉魚璣以為似鯉狹而厚太平御覽九百三十

七證類本草二十云陸璣謂魮即鮑魚也似
鯉狹而厚今京東人猶呼鱧魚其實一類也

象弭魚服

魚服魚獸之皮也魚獸似豬東海有之其皮背上斑文腹下純

青今以為可弓韃步又者也其皮雖乾燥以為弓韃矢服經年

海水潮及天將雨其毛皆起水潮退及天晴其毛復如故雖在

數千里外可以知海水之潮氣自相感也

詩正義九之三初學記三十引作魚狸

詩經

十七

胡爲虺蜴

虺蜴一名蝮蜴也或謂之蛇蜴如蜥蜴青綠色大如指形狀

可惡

詩正義十二之一爾雅疏十

爲鬼爲蜮

一名射影如蜮三足江淮水濱皆有之人在岸上影見水中投人影則殺人故曰射影南人將入水先以瓦石投水中令水濁

然後入或曰含沙射人皮膚其創如疥詩正義十二之三 太平御覽九百四十九

李黃集解二十五

事類賦三十

成是貝錦

貝水介蟲也龜鼈之屬其文彩之異大小之殊甚衆古者貨貝是也餘蚺黃爲質以白爲文餘泉白爲質黃爲文有紫貝其白質如玉紫點爲文皆行列相當其貝大者常有經至一尺六七寸者今九真交趾以爲杯盤寶物也詩正義十二之三 太平御覽九百四十一

鼉鼓逢逢

鼉形似水蜥蜴四足長丈餘生卵大如鵝卵甲如鎧甲今合藥

鼉魚甲是也其皮堅可以冒鼓詩正義十
六之五

魚凡得十
一條

毛詩授受魯人申公申公傳魏人李尅李尅傳魯人孟仲子夏傳
子傳趙人孫卿孫卿傳魯人大毛公大毛公傳小毛公○陳俠

傳謝曼卿東萊讀
詩記一

毛詩授受○循案陸氏爲毛詩學故於篇末敘述毛詩本末
文雖殘闕呂氏讀詩記所錄尙可見其一二今汲古閣本卷
末列魯詩齊詩韓詩毛詩四篇其魯齊韓三篇別無可攷大
抵鈔襲漢書及釋文序錄而毛詩一篇偽跡顯然今附錄辨

於左方

魯詩篇云申公培魯人少事齊人浮邱伯受詩爲趙王太子

戊傳及戊立爲王胥靡申公申公愧之歸魯以詩經爲訓以

教無傳疑是爲魯詩

此節錄漢志也志云申公獨以詩經爲訓故以教亡傳疑者則闕弗傳以教亡

傳句顏師古注云口說其指不爲解說之於是蘭陵王臧代

傳此襲其文以疑字屬上遂失班氏之旨趙綰皆從申公受學臧爲郎十令綰爲御史大夫皆以明堂

事自殺其他弟子如同郡臨淮太守孔安國膠西內史周霸

城陽內史夏寬東海太守碭魯賜長沙內史蘭陵膠生膠西

中尉徐偃膠東內史鄒人闕門慶忌治官皆有廉節稱申公

卒取邱江公盡能傳之以授魯許生免中徐公而韋賢治詩
事江公許生至丞相傳子元成亦至丞相及兄子實以詩授
哀帝至大司馬由是魯詩有韋氏學而東平王式以事徐公
許生爲昌邑王師其後山陽張長安東平唐長實沛稽少孫
亦先後事式爲博士由是又有張唐稽氏之學張生兄子游
卿以詩授元帝爲諫大夫其門人瑯邪王扶爲泗水中尉陳
留許曼爲博士由是張家更有許氏學初薛廣德亦事王式
以博士論石渠授龔舍廣德至御史大夫舍至山陽太守上
皆節錄漢書儒林傳以太
山太守誤爲山陽太守時平原高惠亦以詩授元帝爲上

谷太守傳子容少爲光祿大夫孫詡以父任爲郎中以世傳
魯詩知名王莽時逃去不仕又有曲阿包咸師事博士右師
細君習魯詩亦去歸鄉里世祖卽位徵詡爲博士至大司農
咸舉孝廉除郎中至大鴻臚永平初任城魏應亦以有魯詩
爲徵士徵拜騎都尉卒於官

節錄後漢儒林傳高
詡包咸魏應三篇

齊詩篇云轅固生齊人以治詩孝景時爲博士竇太后好老
子書召問固曰此家人言耳太后怒令固刺燕帝憐之以利
兵與固燕應手倒後帝以固廉置拜爲清河王太傅固老罷
歸已九十餘矣公孫宏亦事固固授昌邑太傅夏侯始昌始

昌授東海剡人后蒼蒼爲博士至少府蒼授諫大夫翼奉前
將軍蕭望之丞相匡衡衡授大司空琅邪師丹高密太傅伏
理詹事潁川滿昌由是齊詩有匡翼師伏之學滿昌又授九
江張邯琅邪皮容皆至大官以上節錄漢書儒林傳其後伏黯傳理家
學既定章句作解說九篇位至光祿勛以授嗣子恭恭以黯
任爲郎永平中拜司空恭刪黯章句定爲二十萬言年九十
卒又蜀郡任末廣漢景鸞皆以明習齊詩教授著述而卒以上節錄後漢儒林傳伏
忝任末景鸞三傳

韓詩篇云韓嬰燕人景帝時爲常山太傅嬰推詩之意而作

內外傳其言順與齊魯閒殊淮南貢生受之燕趙閒言詩者
由韓生河內趙子事嬰授同國蔡誼誼至丞相誼受同國食
子公與王吉爲昌邑王中尉食生爲博士授泰山豐吉吉授
淄川長孫順順爲博士豐爲部刺史由是韓詩有王食長孫
之學豐授山陽張順順授東海髮福皆至大官

以上節錄漢書儒林傳

建武初博士。陽薛漢傳父業尤善說災異議緯受詔定圖
讖當世言詩推爲長後爲千乘太守坐事下獄死弟子健爲
杜撫會稽潯臺敬伯鉅鹿韓伯高最知名撫定韓詩章句建
初中爲公車令卒官其所作詩題約義通學者傳之曰杜君

注擬受會稽趙睦睦舉有道時又有光祿勛九江召馴聞中

令巴郡揚仁山陽張匡皆習韓詩匡爲作章句舉有道徵博

士不就

節錄後漢儒林傳案後漢書儒林傳召馴揚仁不言作章句此云皆括馴仁匡三人言之非范書義

毛詩篇云孔子刪詩授卜商商爲之序以授魯人會申

玉海載序

錄子夏傳會申注引草木疏云申公引草木疏者以見相傳之異同此不作申公仍作會申直敘襲敘錄文耳

申授

魏人李克克授魯人孟仲子仲子授振牟子振牟子

敘錄作根牟子

此誤根爲振

授趙人荀卿荀卿授魯國毛亨亨作詁訓傳以授趙

國毛萇時人謂亨爲大毛公萇爲小毛公以其所傳故名其

詩曰毛詩

此段與初學記二十一卷文同初學記不標陸璣疏名王氏困學紀聞云初學記荀卿授魯國毛亨

作詒訓傳以授趙國毛萇時人謂亨爲大毛公萇爲小毛公
大毛公之名惟見於此又云序錄子夏傳會申申傳李克讀
詩記引陸璣草木疏以會申爲申公以克爲尅皆誤玩王氏
言大毛公名亨惟見初學記使陸疏已然王氏博聞不應未
見且引陸疏必引讀詩記之所引而言其誤則當時陸
疏已不傳特不知東萊何所本其東萊時書尙未亡耶萇爲

河間獻王博士授同國貫長卿長卿授阿武令解延年延年

授徐敖敖授九江陳俠爲新莽講學大夫由是言毛詩者本

之徐敖

此段直鈔漢書毛萇傳

時九江謝曼卿亦善毛詩乃爲其訓東

海衛宏從曼卿受學因作毛詩序得風雅之旨世祖以爲議

郎

案陳俠傳謝曼卿曼卿乃授宏諸書皆不詳惟陸疏及之

故東萊讀詩記引之以補漢志及釋文序錄之遺缺今此
適遺此語則知湊集此書者徒采諸各
書以爲僞東萊所引之文轉未見也

沛南徐巡師事宏亦

以儒顯其後鄭眾賈逵傳毛詩馬融作毛詩傳鄭元作毛詩
斐然魯齊韓詩三氏皆立博士惟毛詩不立博士耳時九江謝曼卿
至此皆鈔襲後漢書儒林傳文
瑋吳人有鈔范氏書之理耶